

錦繡萬花谷別集

錦繡萬花谷別集卷之二

八電雹類

陰陽激揚

淮陰形訓陰陽相薄爲雷激揚爲電

電如杯棬

孔叢子永初中河西縣電如杯棬折禾稼

從雨包聲

許慎說文曰電雨水也從雨包聲

晃如雞子

唐五行志乾符六年五月雨電如晃如又漢宣帝地節四年五月雨雹大如雞子

馬頭

前武帝元封三年雨雹大如馬頭

毀瓦破車

唐五行志人君信讒殺無罪則雹毀瓦破車殺牛馬

金石皆銷

歷代紀石遵襲位震雷雹如斗金石皆銷

陰脅陽

洪範五行傳陰脅陽之不相入則為雹雹者陰脅陽也

鞭策

淮南子電激氣也以爲鞭策

詩

天昏地黑蛟龍移雷驚電擊雄雌隨  
峽山逢颶風雷電助  
撞碎乘潮鯢扶胥近岸拍一髮兩岩雖云平木石互飛發  
雲披霧裂虹蜺斷霹靂掣電捎平岡  
霹靂則雹子何孤竹屋

聲只於花事較無情青春已在殘紅裏更著渠儂何似生  
訪齋春電詩

○冰類

天瑞

後王霸傳王郎起光武至潁沱河候吏白無舡不可濟光武  
令王霸往視之霸還曰冰堅可渡比至河河冰亦令令霸護  
渡未畢數騎而冰解光武曰王霸權以濟事殆天瑞也

夏虫不可語冰

莊秋水篇夏虫不可以語冰者篤於時也又選孫綽天台賦  
晒夏虫之疑冰

挑孤棘矢

左昭四年申豐曰古者日在北陸而藏冰西陸朝覲而出之  
其藏冰也深山窮谷固陰沍寒於是乎取之其出之也挑孤

棘矢以除其災注云桃弓棘矢所以禳除凶邪將御至草故

詩

歲窮寒氣驕冰雪滑磴棧商山季冬月水凍絕行轉峻

塗拖長冰直上若懸溜並韓退之寒水爭倚薄雲月澆微明

杜甫

江漢春風起冰霜昨夜除東風吹春冰決莽后土濕

千里猶殘舊冰雪百壺且試開懷抱耳激洞門勝月存

寒谷冰

烟如清冰出萬壑置在寒露之玉壺

霞類

赤氣上蒸

河圖云崑崙山有五色水赤水之氣上蒸爲霞

九光

十洲記朱霞九光

詩

落日初霞閃餘映倏忽身西無不可並杜甫雨後烟景綠晴  
天散餘霞中閣道萬里霞月遙相思四明三千里朝起  
赤城霞日出紅光散分輝照雪崖一食嚙瓊液五內發金沙  
舉手何所待青龍白虎車翠影紅霞映朝日烏飛不到吳  
天長並李白

雲類

雲紀

左昭十七年鄭子曰黃帝氏以雲紀故爲雲師而雲名注云  
黃帝受命有雲瑞故以雲紀事自官師長皆以雲爲號縉雲  
氏蓋其一官也

歌慶雲

宋書符瑞志帝舜時和氣普應慶雲興焉郁郁紛紛蕭索輪  
輝日工相和而歌慶雲帝乃唱之曰慶雲爛兮禮縉雲兮日

月光華旦復旦兮群臣咸進稽首曰明明上天爛然星陳日月光華洪予一人

色青而圓

魏文帝生時有雲氣青色而圓如車蓋當其上

呈祥沉璧

尚書中候云堯沉璧於河白雲起回風搖落吳淑雲賦云周則爲瑞於觀河堯則呈祥於沉璧

如一匹皂

京房占候曰朝雨法有黑雲如一匹皂二日中即雨

黃泉之埃

淮南子云黃泉之埃上爲黃雲

雲師

開山圖曰霍山南岳山有雲師注云雲師如蚕長六寸似鬼

又廣雅云雲師謂之豐隆

詩

片片飛來靜又閑樓頭江上復前山飄零盡日不歸去  
清光萬里天鄭準輕惹離愁靄落暉如車如蓋早依依山頭  
觸石應長在天際從龍自不歸莫向隙窻籠夜月每來仙洞  
濕行衣春風淡蕩無心後見說襄王夢亦稀韓愈千尋有影  
滄江底萬里無蹤碧落邊齊己因登巨石知來處勃勃元生  
綠蘚痕靜即等閑藏草木動時頃刻徧乾坤辛寅潏潏洑洑  
洑洑自舒張不在蒼梧即帝鄉莫道無心便無事也應愁殺楚  
襄王羅隱水底分明天上雲可憐形影似吾身何妨寄作從  
龍勢一雨吹消萬里塵齊己影收元氣表光藏太虛中焦郁  
從風忽蕭索依漢便氤氲影徹天初霽光鮮日未曛李紳詩  
映日成丹鳳隨風變白衣去來皆絕迹隱顯兩忘機司馬光



聚散虛空去復還野人閑處倚筇看不知身外無根物該月  
遮星作萬端郭震

地類

四柱

張華博物志地下有四柱廣十萬里地有三千六百軸互相  
牽也杜詩云萬頃浸坤軸

劫灰

漢武帝穿昆明池悉是灰黑有外國胡道人云此是天地劫  
灰之餘又杜千秋節有感詩龍池塹劫灰

地動儀

張衡造候風地動儀以精銅鑄成圓徑八尺蓋隆起形似酒  
尊飾以篆文山龜鳥獸之形中有都柱傍行八道施閉發機  
外有八龍首銜銅丸下有蟾蜍張口承之其牙機巧制皆隱

在葦中覆蓋周密無際有如地動尊則振龍機發吐九而蟠  
蛇銜之振聲激揚伺者因此覺知雖一龍發機而七首不動  
尋其方面乃知震之所在驗之以事合契若神嘗一龍機發  
而地不覺動京師孝者咸怪其無證後數日驛至果地震龍  
西於是皆服其妙

八極

拾遺類摠云中國者天下八十一分之一有海環之如此者  
九有大瀛海環之摠曰八極

八寅八絃八極

淮南子九州之外乃有八寅方千里八寅之外乃有八絃亦  
方千里八絃之外乃有八極

骨脉毛肉

張華博物志地以石爲骨川爲脉草木爲毛土爲肉

詩

崢嶸巴閬間所向盡山谷安知有蒼池萬頃浸坤軸地軸

爲之翻百川皆亂流巴渠決太古衆水爲長蛇風煙渺吳

蜀舟楫通鹽麻太山雄地黑巨壑眇雲莊並杜甫水窮三

苗國地窅三湘道並李白

山嶽類公附

巨鰲首戴

列子渤海之東有大壑中有五山一岱輿二員嶠三方壺四瀛洲五蓬萊隨波上下往還不得暫時仙聖訴於帝使巨鰲十五舉首而戴之迭爲三番六萬歲一交焉五山始不動

閬風曾城

張衡思玄賦登閬風之曾城兮構不死而爲牀注云閬風山名在崑崙山上淮南子曰崑崙山有曾城九重高萬一千里

上有不死樹

歷山鐵鎖

酉陽雜俎云齊郡接歷山上有古鐵鎖大如人臂統其峯再  
浹相傳本海中山山神好移故海神鎖之挽鎖斷飛來此矣

十大洞天

第一王屋山天壇峯絕頂高一百二十丈洞周廻一萬里名  
少有清虛之天即林冲王侯爲少有清虛真人所理在洛京  
王屋縣

第二委羽山周廻一萬里名大有空明之天即司馬季主爲  
大有真人所理係台州又爾雅云應海中心

第三西城山高二千丈周廻三千里名太玄摠真之天即王  
方平真人所理在梁州成都府西去一千里入州界

第四西玄山洞高二千一百丈周廻三千里名三玄極真之

天即裴真人所理係華州不可到也

第五清城大面山高三千六百八十丈九尺洞周廻二千里名寶仙九室之天即審真人所理黃帝曾問道希夷真君授帝龍蹻經之所在蜀州清城縣

第六天台赤城山高一萬八千丈周廻三百里名上玉清平之天即桐栢王真人所理葛仙翁鍊丹得道之處上應台宿故名天台在台州天台縣

第七羅浮山高三千六百丈周廻五百里名朱明耀真之天即蓬萊之一島也堯時洪水浮海而來泊於羅山二山相合故曰羅浮即抱朴子葛洪鍊丹得道之所在惠州博羅縣第八茅山高百七十丈周廻百五十里名金壇華陽之天古名句容山茅君鍊丹得道處故曰茅山記云華陽洞天生黃金壇高一百丈紫玉宮皆上清真人遊息之地在升州句容縣

第九林屋山周廻四百里名左神幽巖之天一名包山在大湖水中夏禹治水平後藏靈寶五符於此洞中在蘇州第十括蒼山周廻三百里名成德隱真之天即徐來勒真人所理在台州仙居縣

### 三神山

前郊祀志蓬萊方丈瀛洲此三神山在渤海中

### 衡山九頭

羅含湘中記云衡山九頭皆有舜廟太平至官嘗遣曹敷祀則有如絲竹之聲

### 九疑

湘中記云九疑山在營道北九山相似行者疑惑故曰九疑又韓詩九疑嶢天荒是非

### 照骨寶

酉陽雜俎云儋溪古岸石窟有方鏡徑丈餘照人五藏秦皇  
世號爲照骨寶在無勞縣境山

詩

天台隣四明華頂高百越門標赤城霞樓栖滄岳月李白天

台曉望詩

何年僵立兩蒼龍瘦脊盤

又

尚倚空翠浪舞翻

罷亞白雲穿破碧玲瓏三休亭上工延月九折岩前巧貯風

脚力尽時山更好莫將有限聽無窮

齊載登玲瓏山

石爲銀

管草爲毫卓出天心萬仞高莫是獲麟書史罷悶投山谷至

今年

陳元老卓筆峯

岷山萬仞勢崢嶸崗壠連延鎮蜀城玉

氣氤氛籠錦里爭教國祚不昇平

孟浩然岷山

白雲飛尽見

山名峩幾處能齊碧落甚閑助聖君歸戰馬穩迎仙府聖靈齋

騰白誰運乾坤陶冶功鑄爲雙劍倚蒼穹頭門曾駐三天駕

疑日長含八海風李勢雄圖尋委地劉禪霸業亦成空須知

在德非閑險二主興亡一夢中杜光庭劬門山怪石枕崖疑

作礪野泉噴谷訝爲霖比星千古騎箕尾入夢當年簡帝心

孫瑾傳岩詩萬疊層巒接遠空瑞雲晴靄氣鎔二高於太華

五千仞秀出巫陽十二峯蕙帳曉寒飛鶴怨桃源春盡落花

穠爲凰一嘯最深處仙客樓臺有幾重陳古靈武夷山詩氣

衝斜漢黑影落別州陰有雪草不死無風松自吟裴說祝融

峯詩一面峭來無鳥徑數峯狂欲趁漁舡沈約庾山詩翠色

蒼茫杳靄間舡人指點是廬山浮雲作意深藏護未許行人

取次看彭汝礪見庾山詩秋風吹拄杖直到祝融顛目擊三

千界肩摩尺五天扶藜賜谷畔青草洞庭邊雲氣無遮障分

明在眼前戴石屏登祝融南雲縹緲連蒼穹七十二峯朝祝

融凌空棟宇赤帝宅脩廊翼二生寒風朝來遣使嚴祀典御

香當殿開宸封願福四海扶九重干戈永息年慶豐五嶽今



惟見南嶽北望乾坤雙溪落戴石屏南嶽詩

泉類

貪泉廉泉

南史范栢年梁州人宋文帝嘗言及廣州貪泉因問栢年曰  
卿州有此水否栢年曰梁州唯有文川武鄉廉泉讓水帝問  
卿宅在何處曰臣所居廉讓之間帝嗟其善答

玉漿

北史後周盧勣拜渭州刺史甚有惠政烏鼠山古來乏水勣  
馬足所踐忽飛泉湧出民謠曰我有丹陽山出玉漿因號其  
泉爲玉漿泉

趙郡王泉

北史趙郡王王子叡除朔州刺史無水禱而掘井泉源湧出  
號曰趙郡王泉

應聖

唐楊朝晟爲邠寧節度使請城方渠合道水波以遏吐蕃路  
次方渠水乏有青蛇降險下走視其迹水從而流築防環之  
遂爲溥淵詔置祠命泉曰應聖吐蕃至乃引去

詩

漲痕園淨石流響間鳴琴

楊徽之

冷色初澄一帶煙幽寺遙

瀉十絲絃長來枕上牽詩思不使愁人半夜眠

陸羽評

諸水標爲第一流露敲金掌曉冰瑩玉壺秋

楊給事山泉詩

落在幾萬仞遠聲飄冷空高秋初雨後半夜亂山中

齊己詩

泉詩

一脈清冷何所之縈莎漱蘚入僧池雲邊野客窮來處

石上寒猿見落時聚沫遶槎殘雪在迸流穿樹墮花隨煙收

兩晚閑吟去不復遠尋星子波

鄭谷

石類

萊蕪山石自立

漢睦弘傳孝昭元鳳二年正月泰山萊蕪山南匈匈有數千人声民視之有大石自立高丈五尺大四十八圍入地深八尺三石爲足石立後有白鳥數千下集其旁

叱石爲羊

神仙傳孫平叱石皆起爲羊

石筍

華陽風俗記云蜀人曰我州之西有石筍焉天地植之以鎮海眼動則江濤大濫又杜詩注云成都記石筍及林亭池石之地兩過必有小珠或青黃如粟者亦有細孔可以貫絲又云石筍在衙西門外僅百五十步二株雙蹲一南一北北筍長一丈六尺圍極於九尺五寸南筍長一丈三尺圍極於一丈二尺南筍蓋公孫述時折故長不逮北筍

詩

濟北甄神貺河西濯瑞文  
聲應天地雨影觸岱宗雲  
鴈歸猶可候羊起自成羣  
何當掘靈髓高枕絕囂氛  
蘇味道石詩終  
日望夫夫不歸化為枯石表  
相思望來已是幾千歲無異當  
初出望時白居易望夫石詩

湖海類

十洲

東方朔十洲記漢武帝既見西王母言訖八方巨海之中祖  
洲瀛洲元洲炎洲鳳麟洲聚星洲流洲生洲元洲云十洲並  
是人跡稀絕處

半湯湖

酉陽雜俎云句容縣吳瀆塘有半湯湖、水半冷半熱、可  
以淪雞皆有魚、交入輒死

鑑湖

杜壯遊詩鑑湖五月涼注云梁任昉述異記軒轅氏鑄鏡湖邊因得名今有軒轅鑿鏡石尚存石畔常繁木生蔓草

郎官湖

李白汎沔州城南郎官湖詩序云乾元歲秋八月白遷於夜郎遇故人尚書郎張謂出使憂口沔州牧杜公漢陽先生公觴于江城之南湖樂天下之再平也方夜水月如練清光可掇張公殊有勝槩四望超然乃頌白曰此湖古來賢豪遊者非一而枉踐佳景寂寥無聞夫子爲我標之嘉名以傳不朽白因奉酒酹水號之曰郎官湖亦由鄭圃之有僕射陂也

滄洲

蘇氏演義云隋題士元藏幾爲海使判官過風舡壞破木載至洲島人曰此乃滄洲去國數万里洲方千里花木常如三

二月人多不死產分蒂瓜長二尺碧棗丹栗皆大如梨池中  
有四足魚金蓮花婦人採為首飾曰不戴金蓮花不得在仙  
家藏幾忽思中國洲人製凌風舸送之激水如箭旬日達東  
萊問其國乃唐自大業至貞元二百年矣

南儻北忽

莊子應帝王云南海之帝為儻北海之帝為忽儻尸有反

三為桑田

神仙傳曰麻姑為王方平曰自接待以來見東海三為桑田  
向到蓬萊水乃淺於往者畧半也豈將復為陵陸乎

珊瑚洲

外國傳曰大秦西南漲海中可八百里旦到珊瑚洲洲底有盤  
石珊瑚生其上人以鐵網取之

海神

太公金匱云南海之神曰祝融東海之神曰勾芒北海之神曰顓頊西海之神曰蓐收又見韓南海神廟碑注

沒海履地

唐新羅傳有鄭年者善鬪戰工用槍復能沒海履其地五十里不噎

鑿五湖貯水

古史云軒轅遊蜀見水多決之下流江湖皆溢乃鑿五湖貯水今洞庭湖一也

石魚湖

元次山石魚湖歌石魚湖似洞庭夏水欲蒲君山青疾風三日作大浪不能廢人運酒舫又黃魯直詩云但恐次山曾磊隗終須酒舫石魚湖

詩

東上高山望五湖雲濤煙浪起天隅不知范蠡乘舟後更有

功臣繼踵無胡曾界破衙南數里苔泓澄斜對府門開清

未省州城見蕭洒疑從澤國來蒲岸鳬鷗春沼汜一林風雨

夏樓臺薛公八韻當時絕今古誰能斷大才孫僅申湖詩八

月湖水平涵虛混太清氣蒸雲夢澤波動岳陽城孟浩然洞

庭制水涵天影潤山拔地形高可朋洞庭湖白水連天暮洪

波帶日流風高雲夢夕月滿洞庭秋李端洞庭問吾何處避

炎蒸十頃西湖照眼明魚戲一篙新浪蒲鳥啼千步綠陰成

虹腰隱二松橋出獨首栽二畫舫行最喜晚來風月好紫荷

香裏聽泉聲曾子固西湖畫舫珠簾出繚牆天風吹到芰荷

鄉水光入座玉盤瑩花氣侵人笑語香翡翠側身窺綠酒蜻

蜓偷眼避紅粧葡萄力緩單衣怯始信湖中五月涼秦少章

湖潤通曉月為清露氣入霜天作暝陰笠澤鱸肥人膾玉



洞庭柑熟客分金蘇子美太湖鰲開魚鳥忘情地展盡江湖  
極目天朱岸西湖習坎疏丹壑朝宗合紫微三山巨鰲涌九  
萬大鵬飛樓寫青雲色珠含明月輝會因添霧露步逐衆流  
歸李嶧海詩海於天地間莽不計涯岸珠宮與貝闕百宝光  
璀璨唯寬故能容巨細本無間曾子開

錦繡萬花谷別集卷之三

江類

濫觴

家致思篇江出岷山其源可以濫觴及其至於江津不舫楫不避風則不可以涉

一源三目

前地理注岷江爲大江至九江爲中江至徐陵爲北江蓋一源而三目

九江

澤陽記九江一曰烏白江二蚌江三烏江四嘉藤江五畎江六源江七廩江八提江九箇江又張須元緣江圖六一曰三里江二曰五州江三曰嘉藤江四曰烏土江五曰白蚌江六

曰白鳥江七曰蘭江八曰沙提江九曰廬江

三江

韋昭云吳松江錢塘江浦陽江又吳地記云松江東北行七  
十里得三江口東北入海爲婁江東南入海爲東江并松江  
爲三江

詩

暮暮晴江沒曉煙暮雲歸疾忽相連青山流水出天外晚渡  
歸舟下日邊杏臺春深翻淺繡柳花風遠聚晴綿無錢買得  
江頭樹輸與漁人繫釣舡王令江山詩溶溶漾漾白鷗飛綠  
淨春深好染衣北去南來人自老夕陽長送釣舡歸杜牧侯  
江詩蓴菜鮓魚好時節秋風斜日舊煙光陳堦中吳江詩蒼  
茫沙浦鷺鷥眠片水無痕浸碧天最愛芦花經雨後一蓬煙  
火飯漁舡林逋秋江寫望詩滿眼碧波輸野鳥一蓑疎雨屬

漁人隨舫曉月孤輪白入座晴山數點春  
王元之使吳詩  
平波渺渺煙蒼蒼孤蒲繞熟楊柳黃扁舟繫岸不忍去秋風  
斜日鱸魚鄉陳堯佐松江詩  
浸月吞山勢未休纖波不動冷  
光  
漁從鸚鵡洲前過深向鵝鴦峯下流橘柚香飄荆渚暮  
蒹葭風渡楚汀秋何時得遂乘桴興期尔蓬壺爛漫遊杜光  
庭荆江詩  
漢江一帶碧流長兩岸春風解綠楊借問漢江何  
處沒欲停欄棹祀昭王胡曾漢江

河類

宜菽宜稻

淮南子墜形訓河水中濁而宜菽江水肥仁而宜稻

崑崙之輸

淮覽冥訓河九折注於海而流不絕者崑崙之輸也

西北高而東南下

前溝洫志武帝時齊人延年上書言河出崑崙經中國注渤海其勢西北高而東南下也

天瑞

王子年拾遺記黃河千年一清皆至聖之君以爲天瑞

三河

禮職方氏河南曰豫州其山鎮曰華山其川熒維河東曰兗州其山鎮曰岱山其川河沛河內曰冀州其山鎮曰霍山其川漳

九河

禹貢註云徒駭一太史二馬頰三覆釜四胡蘇五簡六絜七鉤盤八鬲津九又出尔雅絜音頤

馮夷擊鼓

杜豫陂行馮夷擊鼓羣龍趣註云馮夷華陽潼鄉隄首人服

石得水仙是爲河伯又曹子建洛神賦云馮夷鳴鼓女媧清歌

沸潭

季子廟前有沸潭生物投之即熟

妬婦津

臨濟有妬婦津晉劉伯玉妻段氏字明光性妬忌伯玉常於妻前誦洛神賦語其妻曰娶婦得如此吾無憾焉明光曰君何以水神美而輕我吾死何愁不爲水神乃自沈而死死後七日託夢語伯玉曰君本願神吾今得爲神也伯玉寤而竟之遂終身不復渡水有婦人渡此津者皆攘衣枉粧然後敢濟不尔風波暴發醜婦雖粧飾而渡其神亦不妬也步齊人語曰欲求好婦立在津口婦立水傍好醜自彰晉陽雜俎

詩

派出崑崙五色流一枝黃濁貫中州吹沙走浪幾千里轉側  
尾間無處求

王安石黃河詩

誰開崑崙源流出混沌河積雨

飛作風驚龍噴爲波

孟郊黃河詩

源出崑崙中長波接漢宮

桃花來馬頰竹箭入龍宮德水千年變熒光五色通

李賀詩

詩漢祖誓功衣帶小仙人泛木客槎輕

羅隱黃河詩

博望河

埋不復旋黃河依舊水茫然公流欲共劉郎語祇待靈槎送

上天

胡曾黃河詩

沃日涵空勢自由通天巨派出崑崙立清厲

我后千年運濁爲何人萬古流

李堯夫黃河詩

煙籠寒水月

籠沙夜泊秦淮近酒家商女不知三國恨隔江猶唱後庭花

杜牧秦淮詩

## 合川澤類

### 川必有涂

禮冬官匠人兩山之間必有川焉兩川之上必有涂焉

三百三千

莊天下篇禹之湮洪水決江河名川三百支川三千

水懷珠而媚

選陸士衡文賦水懷珠而川媚

七澤

司馬相如子虛賦云楚有七澤嘗見其一名曰雲夢雲夢者方九百里其中有山焉

氣之導水之鍾

周語古之長民者不防川不竇澤川氣之導也澤水之鍾也

詩

百川東注事難猜千古悠悠竟不回無滯自能隨勢去有聲多爲不平來輕浮范蠡舟何處冷浸靈均骨可哀幸世盡知兼濟物流年爭忍被君催熊氏水詩數里路亂石一川環碧



峯蘇子美遊韜川詩早時風景愛東吳一到京師興益踈偶

向城南疑澤國夾川垂柳帶僧居劉原父水寺詩深山大澤

龍蛇遠春寒野陰風景暮杜甫自多窮岫雨行潦相逐感窮

谷川氣黃群流會空曲不有萬穴歸何以尊四瀆杜甫三川

水漲詩遠川曲通流嵌竇潛洩瀨杜甫長川淨如洗湍石秋

水寒秋蓮漚澤清徹底沙水明並僧正平

歲時類

歲名

淮南天文訓云太陰在寅歲名攝提格在卯歲名單閼在辰  
歲名執徐在巳歲名太荒落在午歲名敦牂在未歲名協洽  
在申歲名涓灘在酉歲名作噩在戌歲名闕茂在亥歲名齋  
獻在子歲名困敦在丑歲名赤奮寅在甲曰闕蓬卯在乙  
曰旃蒙辰在丙曰柔兆巳在丁曰強圉午在戊曰著雍未在

巳曰暑維申在庚曰上章酉在辛曰重光戌在壬曰玄默亥  
在癸曰昭陽

辟手藏反陽陽昆反鄭湯干反照音重靈一作郭

### 歲祀年載

尔雅云夏曰歲商曰祀周曰年虞曰載

### 攝提遷次

後律曆志日周于天一寒一暑四時備成攝提遷次青龍移  
辰謂之歲

### 蠹假愁中

記鄉飲酒義云東方曰春春之爲言蠢也產萬物者聖也南  
方曰夏夏之爲言假也養之長之假之仁也西方曰秋秋之  
爲言愁也愁之以時察守義者也北方曰冬冬之爲言中也  
中者藏也

### 四時別號

示雅云春爲發生夏爲長贏秋爲收成冬爲安寧注云此四時之別號

詩

君子法天運四時可前知小人惟所遇寒暑不可期 皇天平分成四時春風漫誕最可悲雜花粧林草蓋地白日坐上傾天維蜂喧鳥咽留不得紅萼万片從風吹豈知秋霜虽凜冽摧落老物誰惜之 四時各平分一氣不可兼隆寒奪青序顓頊固不廉並韓退之流光吳欺人勞我不暫歇春花轉盼失夏扇且見奪清陰卧新軒入耳悲蟋蟀起來意有餘一葉曉先脫僧正平

春類

爲規圓萬物

淮南時則訓春爲規規者所以圓萬物也規度不失生氣乃理

招搖東指

北元魏黎季明傳招搖東指天下皆識春

進長生花

酉陽雜俎云北朝婦人常以正月進箕帚長生花

助天生

東漢禮儀志注皇覽曰自冬至數四十六日則天子迎春於東堂青統八乘旗旄尚青田車載矛號曰助天生唱之以角舞之以羽翟此迎春之樂也

嘉辰淑節

梁元帝纂要春爲青陽芳春青春三春九春天曰蒼天風曰陽風柔風惠風景曰媚景時曰良時辰曰良辰嘉辰節曰華節良節嘉節韶節淑節

詩

建春宮殿紫雲飄春漏遲又下絳霄綺陌暖風嘶去馬粉廊

初日照趨朝鄭谷闕下春日詩花經宿雨香難捨鶯在豪家

語更嬌同上綰金作勝傳荆俗剪綵爲人起晉風李商隱人

日詩日寒未放林鶯轉風暖先吹海燕來陳充早春詩正氣才

隨灰律交殘寒更被柳條欺方干年年春色苦相侵長恐芳

菲役破心煙閣綠楊官路靜雨閑紅杏宅門深丁謂一品也

須防白髮千金莫惜買青春同上尋春何事却悲涼春到他

鄉憶故鄉秦女洞桃歌澗碧楚王堤柳舞煙黃王建陰陽造

化首天地發生心有信來還去無私古到今石延年霽色初

含柳餘寒尚勒花歐陽脩鶯猶求舊友燕不肯貧家王安石

花輕蝶亂仙人杏葉密鶯喧帝女桑上官備一夕春雷落萬

絲霽光浮動碧參差有情芍藥含春淚無力薔薇臥晚枝秦

觀綠楊陰密鶯將懶紅杏枝空蝶不忙詩思謾訟芳草遠茶

既微帶落花香 惠失暮春 細水浮花歸別浦 斷雲含雨入孤  
村 韓偓春盡日晚兩牆東 暗綠槐清陰庭院 瑣莓苔委堦紅  
藥將春去 貼水青荷與夏來 謝幼槃殘春 野桃未放竹邊  
山杏欲然 牆外枝桂碎中 梅萼已消枝上 雪名芽新刺面前  
旗未須扶杖穿花去 且可披雲枕石歸 子規恨雨深 又語  
蛺蝶欺人細 又窺並上 雜花到眼 亂紅綉落絮蒲門 鋪白  
檀僧正平

公夏類

爲衡平萬物

淮時則訓夏爲衡 又者所以平萬物也

炎節

梁元帝纂要風曰炎風節曰炎節

助天養

東漢孔儀志注皇覽曰自春分數四十六日則天子迎夏於南堂赤稅七乘旗旄尚赤田車載戰號曰助天養唱之以社舞之以鼓鞀此迎夏之樂也

獻雪瓜

唐明崇儼以奇技自名高宗召見甚悅盛夏帝思雪崇儼坐頃取以進自云往陰山取之四月帝憶瓜崇儼索百金頃吏以瓜獻曰得之緱氏老人圃中帝召老人問故曰埋一瓜失之土中得百錢

赫曦興熱

晉夏侯湛大暑賦惟青夏之謝兮接朱明之季月何太陽之赫曦乃鬱陶以興熱

以瓜鎮心

後鄭均字茂時嘗讀書時大熱以瓜鎮心欲涼之也

詩

石上涼多新雨歇池邊吟久好風生僧无則數枝石榴發十

丈荷花開

李白噫又

新蟬綠葉遮一聲臨晚到山家未應春

色全歸去猶有芳叢刺史花

惠洪

楊花開尽夏蟬吟庭館初

驚畏景深竹迳早疑聽鳥語盆池又竟瑩人心暫移茶竈離

書閣別壘琴臺向樹陰月扇將來還入手動搖時節好披襟

王獻

首夏木陰薄清和自一時笋抽八九尺荷生三四枝新

服裁蟬翼舊扇拂蛛絲莎徑熟未劇晨昏來往宜司馬光渴

思西漢金屋露困憶南朝石步廊

丁謂

乞爲寒水玉願作冷

秋菰

杜甫

永日不可暮炎蒸毒我腸安得萬里風飄飄吹我

裳昊天出華月茂林延疎光仲夏苦夜短開軒納微涼杜甫

大暑吃不去楚江不知秋九衢能藏子擾又令人愁洪覺父

不但春妍夏亦佳隨緣花草是生涯鹿茸解揮鐵長柄金鳳



乃開最小花楊誠齋暑中北閣望南窓將謂南窗分外涼到  
得南窓還更熱芙蓉和藥落幽香同上南方時雨連梅雨五  
月江城氣鬱蒸避暑聊傾桑落酒永思敢望玉池冰朱行中  
日永知槐夏雲黃喜夏秋黃魯直

今秋類

爲矩方萬物

淮時則訓秋爲矩矩者所以方萬物

屏箋釋絺

潘岳秋興賦嗟秋日之可哀兮良無愁兮不冬野有歸燕隴  
有翔隼遊氛朝興槁葉夕隕於時乃屏輕箋釋纖絺藉莞弱  
御袂衣庭樹撼以洒落勁風戾而吹帷蟬嘒嘒又以寒吟鴈飄  
飄而南飛天晃朗以弥高日悠陽而浸微何微陽之短景竟  
涼夜之方永月朧朧以含光兮露凄凄以凝冷熠燿繁於階

聞芳蟋蟀鳴乎軒屏聽離鴻之晨吟望流火之餘景

助天收

東漢禮儀志注皇覽曰自夏至數四十六日則天子迎秋於西堂白稅九乘旗旄尚白田車載兵號曰助天收唱之以商彝之以干戚此迎秋之樂也

白藏

梁元帝纂要秋曰白藏亦曰收成亦曰素節亦曰三秋九秋素秋高秋

蟬思蟬愁

劉禹錫秋声賦晚枝多露蟬之思夕夏起寒蟬之愁

詩

玉露凋傷楓樹林巫山巫峽氣蕭森江間波浪兼天湧塞上風雲接地陰叢菊兩開他日淚扁舟一繫故園心寒衣處又

催刀尺白帝城高急暮砧遠岸秋沙白連山晚照紅潛鱗

輸駭浪歸翼會高風砧響家又發樵聲箇又同飛霜任青女

賜被隔南宮正杜甫萬影皆因月千聲各有秋劉秀立夜舫

千棹月寒酒一旗風水聞孤蒲老山青橘柚紅兩岸早霜

紅橘柚半汀殘雨老蒹葭明時不見投簪客落尽西風紫菊

花並夏竦蒼苔沙背鷺鷥眠片片水無痕浸碧天最愛芦花經

雨後一蓬煙火飯漁舡林逋秋霄露華清帶水月明天色白

連河石曼卿風卷荷初尽霜催菊半凋賈公綸華髮念秋晚

青灯怜夜長香團菊花露寒著橘林霜俞清老潮寒水国秋

砧早月暗山城夜漏稀許用晦驟雨池塘漲飄風枕簟涼野

田肥鴈驚官柳噪蛩蟾謝无逸煙籠沙鳥浴秋江古岸丹楓

半夕陽憶與道人相就語心隨落鴈過橫塘橘香饒落新

堪摘酒熟鄰家自可勸風獵孤蒲客舍秋送君何必苦懷

憂只今茗雪味同鼎後夜月明空倚樓  
並僧正平稻熟黃粱  
麴又田人家摘柚飽風煙牛羊滿野社醅熟鼓腹老農歌二  
天同上蟬噪古槐疎葉下樹銜斜日映孤城欲知潘鬢秋多  
少一夜新添白數莖王魯風定小軒無落葉青虫相對吐青  
絲秦觀

冬類

權萬物

淮時則訓冬爲權又者所以權萬物也權正而不失萬物乃  
藏

地凍水冰

魯恭傳疏十一月十二月陽氣潛藏未得用事雖言噓萬物  
養其根莖而猶盛陰在上地凍水冰陽氣否隔閤而成冬  
元英

梁元帝纂要冬曰元英亦曰安寧亦曰元冬

助天誅

後漢禮儀志注皇覽曰自秋分數四十六日則天子迎冬於北堂黑稅六乘旗旄尚黑田車載甲鉞鑿號曰助天誅唱之以羽舞之以干戈此迎冬之樂也

土牛六頭

後禮儀志季冬立土牛六頭於國都郡縣城外丑地以送大寒

却寒簾

杜陽編同昌公主堂中設却寒簾類玳瑁班有紫色云却寒鳥骨所爲也

詩

夜來霜重著欄干玉殿無塵玉甃寒日日君王罷朝早禁庭

無事一冬閑 昨夜新霜滿玉階初冬處處火爐開中宮遂

院傳宣賜南國諸侯進橘來並張文儲倚檻他冰合開扉岳

雪明孫何草屋松篁杪寒多市井間嚴風生北戶愛日落南

山魏野曉霧霏霏晴不豁黃塵障大高百尺風昏氣濁一冬

溫買酒澆神穰歲疫瀆知帝力愛人深河海生雲鬪旱日六

花繁空吐奇艷戲弄陰機變寒深一川飛絮乍吹輕百斛明

珠初灑急切少殘臘泛舟何處好最多吟興是滿湘就舫

買得魚徧美踏雪沽來酒倍香杜甫冬泛蒲江硯寒金井水

簷動玉壺冰 高唐暮冬雪壯哉舊稂無復似塵埃塵沉谷

沒白鹽鹽江石缺裂青楓摧並杜甫

錦繡萬花谷別集卷之三

錦繡萬花令別集卷之四

元旦

端月元日

玉燭宝典云正月爲端月其一日爲元日亦云正朝亦云三元亦云三朔注云歲之元時之元月之元

葦桃磔雞

晉禮志歲旦常設葦茨桃梗磔雞於宮及百寺之門以攘惡氣

百華灯

晉禮志魏武帝都鄴正會文昌殿用漢儀又設百華灯

撞燭

盧延遜新歲朝賀詩元日無脂色朝一撞燭香



正會禮

晉禮志漢儀有正會禮正旦夜漏未盡七刻鐘鳴受質公卿以下執贄來庭二千石以上升殿稱萬歲然後作樂宴享親武帝都鄴正會文昌殿用漢儀晉氏受命武帝更定元會儀咸寧注是也

獻贄奉璋

晉傳元朝會賦考夏后之遺訓綜商周之典制采秦漢之舊儀定元正之嘉會万国咸亨各以其職坐太極之正殿儀鑒義以摧鬼群后德遜海外來同獻贄奉璋人肅其容

獻羽觴

晉荀勗元日會王公上壽酒三言詩踐元辰延頸融獻羽觴折令終

讀令布政

唐張齊賢傳今元日通天宮受朝有司遂讀時令布政古之  
禮也

楊柳枝着戶上

齊民要術云正月旦取楊柳枝着戶上百鬼不敢入家

奏三元頌

唐岑文本除秘書郎太宗既藉田又元日朝群臣文本奏藉  
田三元頌二篇文致華贍

詩

會朝四海登圖籍絳闥青都想盛容春色已知回寸草霜威  
從此際寒松黃庭堅數聲雞唱錦樓前引得春風散錦川星  
斗似沉初報曉羽儀如畫已朝天翠華尚未離三蜀白日那  
堪又一年祇爲明時倍多感瑤爐重炷祝堯煙杜光庭終飲  
屠蘇定年齒座中唯笑鬢毛班方干元日甘泉會衣冠拜冕

旒圖書一四海玉帛萬諸侯  
劉旦新歲起今日舊年猶昨宵  
凍雲低覆野殘雪稍封條  
梅堯臣椒盤又頌一年初  
多拜猶欣未要扶山色長供青  
窮筇春光不爲白髭鬚  
仙家風土閑中是歲後  
薦花較早无人事馳驅  
不須嘆倦來添得睡工夫  
揚誠齋

# 立春

舞雲翹

後祭祀志明帝立春日迎春于東郊  
祭青帝勾芒車旗服飾皆青  
歌青陽八佾舞雲翹之舞

李士賦剪綵花

唐中宗紀立春日宴別殿內出剪綵花  
令李士賦之

青衣青幘

東漢禮儀志立春之日夜漏未及五刻  
水師百官皆衣青衣

都國縣道官下至斗食令吏皆服青幘立青幘

龍精戒旦

隋志青帝歌震宮初動木德惟仁龍精戒旦鳥曆司春

釵頭雙綠燕

荆公日記云立春日悉剪綠爲燕子以戴之故歐陽永叔云不驚樹裏禽初變共喜釵頭燕已來鄭穀夫云漢殿聞簪雙綠燕併知春色上釵頭皆春日貼子詩也

詩

盤出高門行白玉菜傳纖手送青絲杜甫土牛呈歲稔綠燕

表年春曹植綴條花剪綠挿戶柳生煙獨坐空山裏唯驚節

物遷梅堯臣元日立春一歲還隨一歲來立春人日競相催

細細谷風能破凍熙熙習俗似登臺初陽弄色明高柳殘雪

留寒伴落梅淮北風光元自好壯心摧謝不勝哀劉原父三

百六旬隨手去流年都被暗中消方怜舊歲餘今日却喜新春第一朝挑柳未驅殘鴈夜銀罌初賜紫宸朝醉魂往往成歸夢便逐東風過海潮劉延世除日立春生菜頗饒饒口腹剪幡聊稱白髭鬚紫宸拜賜鳴雙笏阜蓋頒春佩左符劉旦馬蹄殘雪未成塵梅子梢頭已著春巧勝向人真柰老衰顏從俗不宜新高門肯送青絲菜下里誰思白髮人陳元己梅藥飛翻柳色新雪泥乾處已成塵愁看節物獨驚眼醉吐詩詞君可人謝幼槃立春暖日傍簾曉香開篋紅釵斜穿綠燕羅薄剪春蟲巧著金刀力寒侵玉指風娉娉何處戴山鬢綠成叢李遠

上元

明皇觀廣陵

幽怪錄云開元正月望明皇謂葉仙師曰四方此夕何處極

盛對曰天下無如廣陵帝欲一觀俄虹橋起於殿前師奏請  
行但母廻顧帝步上之高力士樂官數十人從行俄頃到廣  
陵士女仰望曰仙人現於雲中師曰請勅樂官奏霓裳羽衣  
一曲帝回闕後廣陵奏云上元夜有仙人乘綵雲自西來臨  
孝威寺奏霓裳羽衣一曲二終而去上大悅

作膏祠門戶

玉燭寶典曰正月十五日作膏祠門戶又荆楚歲時記今州  
里風俗望日先以柳枝挿門隨枝所指乃以豆粥祭之  
步步燃燈

涅槃經云如來闍置金牀繞城步步燃燈十三里

製鹽

開元遺事都城上元造麩鹽以官位高下貼鹽中採之

造火蛾

金門事節正月十五日造火蛾兒

踏歌聲入雲

唐輦下記先天初上御安福門觀燈今朝士能文者爲踏歌聲調入雲

百枝燈

開寶遺事韓國夫人置百枝燈樹上元夜燃之

燭圍

楊國忠子弟上元夜各有千炬燭圍

探春宴

開元天寶遺事云都人士女正月半乘車跨馬郊野中爲探春之宴

詩

千門開瑣萬燈明正月中旬動帝京張祐欲曙九衢人更多

千條香燭照星河今朝始見金吾貴車馬縱橫避玉珂靈藏  
三五月華清邀遊遂上春相邀洛城曲追宴小平津樓上看  
朱妓車中見玉人芳宵殊不極隨意守灯輪陳子昂玉釵驟  
馬多遺落依舊明朝在路傍張宵遠翠幃霓旌夾露臺夜涼  
宮扇月中開龍燭抱金門出鰲負山趨玉座來碣極戲添  
夷客喜栢梁篇較徙臣材共知天意同民樂願奏君王万壽  
杯九衢仙仗豫遊歸宝燭星繁換夕暉傳醅未斜清禁月  
散花還拂侍臣衣天香暗度金虬暖宮扇雙開綵鳳飛法曲  
世人聽不足却迎朱輦下端闌金地夜寒消美酒玉人春  
困倚東風紅雲灯火浮滄海碧水樓臺浸遠空並曾子固香  
車百兩天街曉清蹕一声仙仗回張文潜

社日

泥飲



杜遭田父泥飲美嚴中丞詩云田翁逼社日邀我嘗春酒二  
酣誇新尹畜眼未見有補注云所謂泥飲者非飲於泥濘之  
中乃其醉如泥耳

### 巴歌

晉初南隱者自号南翁人莫知來歷因社日至衆會上願聽  
巴歌乞此一日醉

### 結宗

荆楚歲時記社日四隣並結宗會社

### 一歲三祠

後建武二年立太社于雒陽无屋有墻門而已二月八月及  
臘一歲三祠皆太牢

### 椒蘭酒

李叔達祠社詩椒蘭平酒酌薰簋蕝香箕

靈壇飲福杯

倦遊錄云大社二祭多差近臣王禹玉在兩禁二十年熙寧間爲翰林李士復被差題詩於齋宮曰鄰雞未動曉驂催又向靈壇飲福杯自笑治顰知不足明年強健更重來

詩

村北村南花柳新一風一雨社公春人誇宰肉刀在手我喜治顰酒入唇李商老兩柳垂二葉風溪細二紋清權唯煮茗美味只羹芹飲不遭田父歸无遺細君東臯農事作牽趾待耕耘謝无已愁邊節裏兩相關茶罷呼兒檢曆看社日雨多晴較少春風晚暖曉猶寒也思散策郊行去其柰綠溪路未乾綠暗紅明非我事且尋野蔭作蔬盤楊誠齋步屨隨春風村二自花柳田翁過社日邀我嘗春酒二酣誇新尹畜眼未見有南翁巴曲醉北鴈塞声微並杜角樵蘇後幾甌生埃

杜日疏食勉強開卜晝將何娛長者治聾聊復尺餘在刘旦  
春分

中氣

符天纂圖云春分二月中氣秋分八月中氣日出卯三刻日  
入酉三刻晝五十刻夜五十刻

元鳥司分

左昭十七年元鳥氏司分者也注元鳥燕也以春分來秋分  
去

鷓鴣鳴

唐韻鷓鴣鳥名關西曰巧婦關東曰鷓鴣春分鳴則衆芳生  
秋分鳴則衆芳歇

寒食類

綉草宜臺

酉陽雜俎云寒食日賜侍臣帖綵毬綉草宣臺

熟食日

杜熟食日詩幾年逢熟食舊注云熟食日即寒食節也秦人呼寒食爲熟食日言其不動煙火預辦熟食物過節也

一百六

唐元稹詞初過寒食一百六店舍无煙官柳綠

藏煙

李崇嗣寒食詩晉天皆滅焰匝地尽藏煙

畫鴨子

鄴中記寒食日俗畫鴨子以相餉

鬪雞戲

玉燭寶典云此節城市多鬪雞之戲

藍尾酒

白樂天寒食詩三首  
藍尾酒

橘花時

劉禹錫寒食詩楚鄉寒食橘花時

詩

侵堦草色連朝雨  
滿地梨花昨夜風  
來鵬紅染桃花雪  
壓梨玲瓏雞子闘  
羸時今年不似明  
寒食暗地秋千別  
有期元真  
寒食夜柳礙東風  
一向斜春陰淡  
二襲人家有時三  
點五點雨到處十  
枝五枝花李山甫  
但挂酒壺那計  
賊偶題詩句不  
須編忽聞啼鴉  
驚羈旅綿上何  
人治廢田賈  
戰美人寒食事  
春風折尽青二  
賞尽紅半夜无  
灯還不寐秋千  
懸在月明中  
薛能金鈿沽酒  
交羅韞弄毬人  
鶯語如留富花  
枝不賣貧陳  
元老水隔淡煙  
疎竹寺路經微  
雨落花村天寒  
酒薄難成醉  
地迥臺高易斷  
魂揚微之一  
麾飄泊在天涯  
寒食園林不見

花唯有市亭沽酒客俚歌声到日西斜曾子固一百五日江南天風雨竊弄春工權繁紅鬧白爭韶妍飄英墮葉隨風綿汪洙

清明類

榆柳火

白氏六帖引鑽燧改火云春取榆柳之火以順陽時又云改火之辰

桐華

六帖云清明之日桐始華二月節

進火賜綰

唐輦下歲時記云每歲清明內園官小兒於殿前鑽火先得者進上賜綰三疋

詩

旅鴈上雲歸紫塞  
家人鑽火用青楓  
秦城樓閣煙花裏  
漢主

山河錦綉中  
朝來新火起新煙  
湖色春光淨客舫  
著處

繁華矜是日  
長沙千人萬人出  
渡頭翠柳艷明眉  
爭道朱蹄

驕囓膝並杜甫  
汀草汀鷗解喚愁  
舍南舍北復鳴鳩  
深憑竹

葉留春住未信  
桃花逐水流  
高柳半天渾欲綿  
二毛苦上

接籬邊  
具深杓懷山簡  
句夢池塘有惠連  
欲尋少年花

壓帽却疑花笑  
及花噴並李商老  
數番風雨清明後  
江國春

多桃李花斷送  
松窻煙渚夢蒲甌  
香雪啜新茶  
陌上依迷

連碧草  
樹頭顛倒落殘花  
鳥声寂寞人歸後  
一味春愁障日

斜  
野水橫來滿竹池  
一番風雨潤花時  
幽禽行破青苔地

飛上小棠人不知  
微風南北半陰晴  
驚動遊人雷一声  
小

雨催花  
落尽可怜風物屬清明  
並僧正平  
身閑旋改清明

火齒冷不禁寒食  
餽昨夜溪流高六尺  
勸人時有杜鵑声  
李

商老 早是傷春夢雨天可堪風草更芊芊  
內官初賜清明火  
上相關分白打錢紫陌紅塵撥綠楊高映畫鞦韆游人  
記得承平事暗喜風光似昔年  
韋莊 昨日鄰家乞新火曉窺  
分與讀書燈  
兒童不慣貧滋味剛拾榆錢索買花  
偷錢  
零落麥開芒  
魏 斷南軒蝶影双多謝東風相管領  
鮮艷花片  
入書窺  
並王禹偁  
好風隴月清明夜碧砌紅軒刺史家  
獨遶  
回廊行復歇更聽絃管暗看花  
白居易  
夜雨輕寒拂曉晴  
牡丹開盡過清明  
庭前落絮誰家柳  
乘裏新聲是處驚  
張文潛

上巳類

索東流

後禮儀志上巳官民皆潔於東流上曰洗濯校除去宿垢疾  
爲大索二  
若言陽氣布暢万物訖出始索之矣

華林宴



鄴中記曰華林園上巳臨池宴會

楔南澗

孫綽義序以暮春之始解楔於南澗之濱

臨流杯池

晉起居注三月三日臨流杯池依東堂會

置羽於觴

選陸士衡詩羽觴不可筭注云置鳥羽於觴以取急筭飲數也又逸詩云羽觴隨波

握蘭采艾

梁簡文帝三月三日詩握蘭唯是旦采艾亦今朝

詩

風零三月初三日楔事靈和勝求和又見會稽王內史蘭亭對酒愛新鵝旦花明柳暗一溪水日薄雲濃三月天

法電

暮春三月日重三春水桃花滿橫潭張翥三月三日天氣  
新長安水邊多麗人杜甫行春莫放一日一修禊仍逢三月  
三忍遺晴光作陰雨更將急澣洗春衫出門着雨不能歸  
借得青簑看片時春染萬花知了未雲偷千嶂忽何之今  
年春事底忽二雨急風顛惱得儂不見一林如許笋猶嫌三  
日向來風秋早不由田父懶吞遲端待拓成陰報吞春  
光酒一色貧中无酒看春欺作詩細与東風道未必東風肯  
要詩平田漲綠村二麥嫩水浮紅岸二花亞揚万里

錦繡萬花合別集卷之四

# 錦繡萬花谷別集卷之五

今立夏類

祭赤帝

記月令立夏之日天子迎夏於南郊註云迎夏祭赤帝赤爓  
怒於南郊之北也

禮南方

禮春官註禮南方以立夏謂赤精之帝而炎帝祝融食焉

詩

雨脚連雲苦未收曉驚池面日光流田家甌裏封蛛網即漸  
歌謠麥有秋花時氣暖長愁夏竹裏風微又勝春謝幼槃  
祝融初馭節炎帝啓朱明日映林花麗風高御苑清郊原浮  
麥氣池沼發荷英黎逢含酸梅子漸生仁鷓鴣老花飛迹已陳

一夜東風吹斗柄明朝煙柳不關春

胡少儀

端午類

進五時圖

酉陽雜俎云北朝婦人五月進五時圖五時花施帳之上是日又進長命縷宛轉繩皆結爲人像帶之

竹筒貯米

續齊諧記云屈原五月五日投汨羅楚人至此日以竹筒貯米投水以祭長沙區曲見一人自云三閭大夫曰君見祭每爲蛟龍所竊當以練葉塞上纏以綵繩二物蛟龍所畏也

飛鳧競渡

荆楚記曰五月五日競渡俗爲屈原投汨羅日傷其死故以舟楫拯之其舟輕利謂之飛鳧

木羹艾酒

金門歲節曰端午木羹艾酒以花絡樓臺插鬢

朱索飾門

續漢書云五月五日朱索五色爲門戶飾以止惡氣

鮮粽節

歲時雜記云京師人以端午日爲解粽節

詩

重午雲陰日正長佳辰早至浴蘭湯涼風入座無消扇彩索  
靈符映明觴李商隱朱明風景值良時重午欣從上國歸湘  
水悉投角黍去山陰買得子鵝肥青羅蓮葉鴛鴦浴金粟榴  
花夾蝶飛不似昔人皆競渡清波今幸濯征衣劉王孟宮衣  
亦有名端午被恩榮細葛含風軟香羅疊疊輕杜甫脚傾  
官酒南京薦子鵝劉長因白髮無端種種生每逢佳節只心  
驚老妻稚子知人意但把菖蒲酒細傾病臂慙纏長命纆

破衣羞帶赤靈符樽中有酒不得醉憶着三閭屈大夫謝元  
逸勿酒緣佳節昌陽薦一卮兒女射園事妻孥頌賜衣詩懶檢  
三閭傳爭纏五絲絲平生幾端午隨分作兒嬉謝勿榮  
今夏至類

進粉脂囊

酉陽雜俎云北朝婦人夏至日進扇及粉脂囊

神在崑崙

禮大宗伯註云禮地以夏至謂神在崑崙者也

朝節

圖經云池陽風俗不喜端午而重夏至以角黍舒鴈往還謂  
之朝節

殺鵝爲灸

歲時雜記云涉江州郡皆重夏至殺鵝爲灸相遺

三伏類

金氣伏藏

曆忌釋曰伏者何也金氣伏藏之日也四時代謝皆以相生立春木代水生木立夏火代木木生火立冬水代金金生水立秋金代火火畏水故至庚日必伏庚者金也陰陽書言從夏至第三庚爲初伏第四庚爲中伏立秋後初庚爲末伏故謂之三伏

以狗禦蠱

史秦德公二年初伏以狗禦蠱孟康曰六月伏日初也周時無至此乃有之徐廣曰年表云初作伏祠社磔狗邑四門也

進湯餅

荆楚歲時記伏日進湯餅名爲辟惡

薦麥瓜



崔寔月令初伏薦麥瓜于祖禰

烹羊炮羔

前楊煇報孫會宗書云田家作苦歲時伏臘烹羊炮羔斗酒自勞

詩

南越逢初伏東林度一朝曲池煎畏景高閣絕微飈

王言史

初伏啓新節隆暑方赫曦備岳三伏適已過驕陽化爲霖杜  
用紺宇迎涼日方床御綵衣清談停玉麈雅曲弄金徽高樹  
秋聲早長廊暑氣微不須河朔飲煮茗自忘歸

梅聖俞

立秋類

琥象秋嚴

禮太宗伯以白琥禮西方註云禮西方以立秋謂白精之帝  
而少昊摯收食焉琥猛象秋嚴

衣白迎氣

後禮儀志立秋之日京都百官皆衣白施帛領緣中衣迎氣  
白郊

斬牲

後禮儀志立秋始揚威武斬牲於郊東門以薦陵廟武官肄  
兵習戰陣之儀斬牲之禮名曰驅蠶

祭白招拒

記月令註迎秋者祭白帝白招拒於西郊之兆也

詩

暑中剩喜立秋初特地西風半點無旋汲井花澆睡眼洒將  
荷葉看跳珠楊誠齋徂暑迎秋薄涼風是日生遜欽始驚三  
伏盡又遇立秋時露彩朝還冷雲峯晚更奇壠香禾半熟原  
迥草微衰幸好清光裏安仁謾起悲齊己夏衣臨曉薄秋景

入簷光前事風隨扇歸心燕在梁  
元稹疎雨洗空曠秋標驚  
意新杜牧不覓初秋夜漸長清風習習重淒涼炎炎暑退亭  
齋靜堦下叢莎著露光  
孟浩然正怜深水晚荷生已覓疎簾  
小簾清鳥背夕陽歸極浦角迎秋氣入孤城  
趙嘏律變新秋  
至蕭條自此初花酣蓮報謝葉在柳呈初淡日非雲映清風  
似雨餘卷簾涼暗度迎扇暑先除  
司空曙

七夕類

結綵樓

荆楚歲時記七夕婦人結綵樓穿七孔針於中庭以乞巧有  
喜子綢於瓜上則以爲得巧

曬腹中書

世說郝隆七月七日皆曬衣惟隆乃於庭中向日仰卧人問  
其故荅曰我曬腹中書耳

祈恩牛女

唐開元遺事每七夕夜陳瓜果酒饌于庭祈恩于牛女

烏鵲填河

淮南子云烏鵲填河成橋渡織女

詩

天孫何計是來時月意惺惺露氣微可道星河難得過自緣  
烏鵲合高飛秋宵已勝春宵短今會還如古會稀早晚望夫  
能化石盡分人世作支機李太白新秋氣象已恬和牛女相  
逢欲渡河星裏客來應處士月中人到是姮娥清風裊裊鳴  
環佩薄霧紛紛透綺羅莫向一宵懷怨別萬年千載却成多  
歐陽炯閨女求天女更闌意未闌玉庭開粉席羅袖捧金盤  
向月穿針易臨風整線難不知誰得巧明日向看看清江詩  
絡角星河齒齒天家家歡笑設紅筵應傾謝女珠璣鮑參軍爲

檀郎錦綉篇香帳簇成排窈窕金針穿罷拜嬋娟銅壺漏報  
天將曉惆悵佳期又隔年羅隱月爲開帳燭雲作渡河橋映  
水金冠動當風玉珮搖清江露白風清夜向晨小星垂佩月  
埋輪絳河浪淺休相隔滄海波深尚作塵天外鳳凰何寂寞  
世間烏鵲謾勤辛倚欄殿北斜樓上多少通宵不寐人唐詩  
謙金風入樹千門夜銀漢橫空萬象秋溫庭筠鵲辭穿線月  
花入曬衣樓天上分金鏡人間望玉鉤李賀南隣日射羅紈  
笥北里風吹首宿盤可是未能渾免俗猶將犢鼻裹長竿僧  
巽中蛛喜今宵綴蠅憎昨日多楊誠齋兒時見天孫今日聘  
河鼓鳴機應暫停飛鵲橋邊渡李商老金線工夫好手多綵  
樓香裏拜星河家家闔巧更乞巧却恐人心索巧何正俠

中秋類

王直方詩話云呂申公在楊州度中秋令少游作口號有照  
海旌幢秋色裏激天鼓吹月明中之句是夕微陰少游別作  
云自是我公多惠愛却回秋色作春陰

蟾魄圓

唐歐陽詹翫月序云秋之於時後夏先冬八月於秋季始孟  
終十五於夜又月之中稽之天道則寒暑均取諸月數則蟾  
魄圓

詩

萬里此情同皎潔一年今日最分明夏是幾年今夕一番逢  
千古何人此興同酒入銀河波底月笛吹玉桂樹梢風揚方  
里只應此夜團圓月偏照寒窠獨宿人洪駒父碧天空無雲  
明月皎在池桂輝中萬山不隔中秋月一鴈能傳寄遠書黃  
魯直雨洗天宇淨微雲捲涼風今夕定何夕月圓秋氣中驚

鴈掠沙水寒鵲繞梧桐謝元逸桂影搖濁醪波光照酡顏同上  
月懸林麓夜千尺水落野橋秋一篙僧正平月晃長江上下  
同畫橋橫絕水光中雲頭艷艷開金餅水面沉沉卧彩虹佛  
氏解爲銀世界仙家多住玉華宮蘇舜欽中秋松江新橋對  
月三夕月俱好清光惟望多風應落桂子露恐滴金波蘇舜  
欽河漢初無際山川共絕塵舉杯光可挹起舞影相親劉辰  
父坐見冰輪破夕陰玻璃萬頃帶遙岑客懷耿耿念存沒江  
水悠悠無古今曾紆中秋再過吳江待月東林月正圓廣庭  
無樹草無煙中秋雲盡出滄海半夜露寒當碧天輪彩漸移  
金殿外鏡光猶挂玉樓前莫辭遠曙慙勤意一墮西岩又隔  
年柳渾

秋分類

玄武見

書宵中星虛註云虛玄武之中星以秋分日見以正三秋

日在角

禮馮相氏掌春秋致月註云春分日在婁秋分日在角

重九類

茱萸插鬢

李白九日寄崔侍御詩九日茱萸熟插鬢傷早白登高望山海滿目悲古昔

蓬萊殿賜脩

杜病橘詩蘇註云唐太宗蓬萊殿九月九日宴羣臣酒行遍賜湖南新橘宰相以下皆有詩謝

馬乳酒

杜九日詩生開桑落酒蘇註云桑落河出馬乳酒羗人兼葡萄壓之晉宣帝時來獻九日賜百僚飲焉



黃樓之會

蘇東坡在彭城與定國爲九日黃樓之會詩云菊醞萸囊自古傳長房寧復是臞仙

詩

晚起無蒼蒼帽溼蕭疎霜鬢在風吹病懷王子同傾酒愁憶  
潘郎共賦詩寧效騷人餐菊藥敢希朝士賜萸枝白衣不至  
慙元亮空對門生與二兒謝无逸重陽示万同德王子玉立  
之齒郎齒殆老也野僧軒前寒菊花不可勝數恒河沙偶入  
高陽酒徒眼勝在靖節先生家且共登臨判醕酌莫因搖落  
閑悲嗟歸騶踏碎畫橋月飄飄清興無津涯在使重陽野軒  
賞菊綴席茱萸好浮舟並葦衰季秋時欲半九日意兼悲在  
甫九日曲江黃花叢畔綠柳前猶有些些舊管絃偶遇閑秋  
重九月東籬獨酌一陶然賈玄幾閨九月九日坐開桑落酒

來把菊花枝

杜甫

齋醕初熟喜重陽下瞰滄溟興渺茫白酒

自知逢好客黃花誰竟在他鄉尚知懷古心清健猶喜登高

足力強半醉歸時吹落帽少年風韻未全忘李清臣一見黃

華只自羞蕭然短髮不禁秋誰人爲整烏紗帽獨倚西風滿

眼愁朱行中欲賦前賢九日詩茱萸相闢一枝枝可憐宋玉

情無恨爭似陶潛醉不知綠鬢愛隨風景變黃花能與歲寒

期登高回處狂多少笑殺襄陽拍手兒范仲淹樽酒此時須

在手菊花明日便愁人褚菊花一歲歲相似人貌一年年

不同戎昱北斗暗量浮世去東籬旋報菊花黃杜光庭年年

羞見菊花開十度悲愁上楚臺半嶺殘陽街樹落一行新鴈

向來人李澤國雖無戲馬臺仙都別是一蓬萊登高本

爲酬佳節好笑前賢只避災任

立冬類

迎氣黑郊

東漢禮儀志立冬之日夜漏未盡五刻京都百官皆衣皂迎氣於黑郊

歌玄冥

後漢祭祀志立冬之日迎冬于北郊祭黑帝玄冥歌玄冥舞育命之舞

冬至類

權土炭

漢天文志註先冬至三日縣土炭於衡兩端輕重均冬至陽氣至炭重夏至陰氣至土重又蔡邕律歷記候鍾律權土炭冬至陽氣應黃鍾通土炭輕而衡印夏至陰氣應蕤賓通土炭重而衡低

七曜會於斗牛

律歷志註孟康曰太初上元甲子夜半朔日冬至時七曜皆會聚斗牽牛分度

亞歲

晉禮志魏晉冬至日受方國及百僚稱賀因小會其儀亞於獻歲之旦

南端

唐韋應物詩子月生一氣陽景極南端

日在牽牛

禮馮相氏註云冬至日在牽牛夏至日在東井此長短之極極則氣至

書板言事

後禮儀志冬至前後百官各書板言事文曰臣某言今日若干日冬至黃鍾之音調君道得孝道褒商臣角民徵事羽物

各一板

詩

去歲茲辰捧御床五更三點入鵷行欲知趨走傷心地正想  
氛氲滿眼香無路從容陪笑語有時顛倒着衣裳何人錯憶  
窮愁日愁日愁添一線長憶昨逍遙供奉班去年今日侍  
龍顏麒麟不動爐煙上孔雀徐開扇影還天時人事日相  
催冬至陽生春又來刺繡五紋添弱線吹葭六琯動浮灰  
杜甫陽進君子升陰退小人伏此理洞然明不疑何更卜微  
和回根荑餘光借草木但看堂前梅南枝已芳馥謝元逸嬰  
晉三陽首朝天萬國同斗邊看子月臺上候祥風崔宗燭雨  
天街曉漏長杜門半落嘆臺綱金吾六卒閑私弟玉荀千行  
守未央五貴訐謨恩盜賊一朝新事効風霜堯天咫尺橫雲  
霧遙慶南山萬壽觴張商英候曉金門闢乘時寶曆長羽儀

瞻上宰雲物麗初陽李時天宮初動磬緹室已飛灰蕭慤陽  
德比君子初生甚微芒排陰出九地萬物隨開張杜牧之灰  
管移新律窮陰變一陽劉商

臘類

取獸祭祖

應劭風俗通曰案禮周曰大蜡漢改爲臘臘者獵也田獵取  
獸祭先祖也

新故交接

隋禮儀志開皇四年詔古稱臘者接也取新故交接可以十  
二月爲臘

賜口脂面藥

酉陽雜俎云臘日賜北門學士口脂蠟脂盛以碧鏤牙箋又  
太平御覽載盧公家範凡臘日上澡且及頭膏面脂口脂又

杜臘日詩云口脂面藥隨恩澤翠管銀嬰下九霄

持椒內井中

養生要云十二月臘夜令人持椒內井中除瘟病

取柴與父母相歡

陳留云范喬邑人盜斫其樹後愧而歸之喬曰卿臘日取柴與父母相歡耳

詩

臘日常年暖尚遙今年臘日凍全消侵陵雪色還蒼蒼漏洩春光有柳條縱酒欲謀良夜醉還家初散紫宸朝口脂面藥隨恩澤翠管銀嬰下九霄  
杜甫待臘驚還過留年惜欲除兩  
纔三日有雪更一冬無遊夜妨緣海寒威亦爲爐未湏排旅悶猶足助詩娛  
楊誠齋贈後詩今朝臘月春意動雲安縣前江可伶一聲何處送書鴈百丈誰家上瀨舡未將梅蕊驚鶯怨

眼更取椒花媚遠天杜甫

歲除類

擊鼓逐除

呂氏春秋註前歲一日擊鼓驅疫謂之逐除亦曰儺

送寒氣

記月令大儺勞磔以送寒氣

藏鉤戲

荆楚歲時記歲前爲藏鉤之戲

詩

千年庭燎照樓臺  
惚爲年光急急催  
半夜鵬因風捲去  
五更春被角吹來  
蘇軾五更鍾漏欲相催  
四序推遷往復回  
惟裏殘燈纔有艷  
爐中香氣盡成灰  
漸看春逼芙蓉枕  
頓覺寒消竹葉杯  
守歲佳人應不卧  
相思那得夢魂來  
孟浩然官曆行



將盡村醪強自傾厭寒思暖律畏老惜殘更羅幃聲方去  
病酒色又迎春明日持盃處誰爲最後人方干殘灯和臘盡  
曉角帶春來高蟾永夜誰能守羈心未放眠挑灯猶故歲聽  
角已新年皮日休一年將盡夜萬里未歸人寥落悲前事支  
離笑此身愁顏與衰鬢明日却逢春戴叔倫冬去更籌盡春  
隨斗柄回寒暄一夜隔客鬢兩年催李福業莫嫌寒漏盡春色  
來應早風開玉砌梅薰散金爐草稚齒喜成人白頭嗟更老  
年華个裏催清鏡寧長好柳聖俞年年最後飲屠酥不覓年  
來七十餘十二春秋新罷講五千道德適親書蘇軾年更六  
十七旬滿三百六守歲聽兒曹自笑未免俗並同上一臘  
天頻雪千山梅未花終年不爲客除夕恰辭家雨又垂垂落  
風仍故故斜難開愁裏眼只益鬢邊華紫陌相逢誰不客  
青灯作伴未爲孤何須家裏作時郎只問旗亭有酒無並楊

說齋  
雪留遠嶺半尖白  
雲漏斜陽一線黃  
天肯放晴差易耳  
慇懃剩有幾朝霜  
全上除夕前一日絕句

錦繡萬花谷別集卷之五